

"Теңіз-Новороссийск" магистральдық мұнай құбырының желілік бөлігін орналастыру және пайдалану үшін жариялы сервитут белгілеу туралы

Атырау облысы әкімдігінің 2013 жылғы 15 қарашадағы № 399 қаулысы

Қазақстан Республикасының 2003 жылғы 20 маусымдағы Жер кодексінің 16, 32, 37, 43, 69, 118-баптарына, Қазақстан Республикасының 2012 жылғы 22 маусымдағы "Магистральдық құбыр туралы" Заңының 7, 13, 21-баптарына, Қазақстан Республикасының 2001 жылғы 23 қаңтардағы "Қазақстан Республикасындағы жергілікті мемлекеттік басқару және өзін-өзі басқару туралы" Заңының 27, 37-баптарына сәйкес облыс әкімдігі ҚАУЛЫ ЕТЕДІ:

1. Осы қаулының қосымшасына сәйкес "Каспий Құбыр Консорциумы-Қ" акционерлік қоғамының (бұдан әрі – "КҚК-Қ" АҚ) "Теңіз-Новороссийск" магистральдық мұнай құбырының 0-130,3 км желілік бөлігін орналастыру және пайдалану үшін жер учаскелерін жер пайдаланушылардан және жердің меншік иелерінен алып қоймай, 49 жыл мерзімге қауымдық сервитут белгіленсін.

2. "КҚК-Қ" АҚ:

1) келісім бойынша жер учаскелерінің меншік иелеріне және жер пайдаланушыларға шығын келтірген жағдайда Қазақстан Республикасының қолданыстағы заңнамасына сәйкес келтірілген шығындардың орнын толтырсын;

2) "Теңізшевройл" жауапкершілігі шектеулі серіктестігіне жалға алу және сервитут құқығындағы тиесілі жер шегінде Жылыой ауданы әкімдігінің 2009 жылғы 20 желтоқсандағы "Жылыой ауданының жер учаскелерінде өнеркәсіптік пайдалану кезеңіне Теңіз мұнай кен орнының санитарлық-қорғау аймағын белгілеу туралы" № 439 қаулысымен бекітілген жер пайдалану режимінің талаптарын сақтасын;

3) қауымдық жариялы сервитут үшін белгіленген мерзім аяқталғаннан соң белгіленген тәртіпке сай бүлінген жерлерді қалпына келтірсін.

2-1. "Атырау облысы Ауыл шаруашылығы және жер қатынастары басқармасы" мемлекеттік мекемесі осы қаулыдан туындайтын "Каспий Құбыр Консорциумы-Қ" акционерлік қоғамының "Теңіз-Новороссийск" магистральдық мұнай құбырының желілік бөлігін орналастыру және пайдалану үшін жер учаскелеріне белгіленген қауымдық сервитутқа байланысты Қазақстан Республикасының қолданыстағы заң талаптарына сәйкес қажетті шараларды қабылдасын.

Ескерту. Қаулы 2-1 тармақпен толықтырылды - Атырау облысы әкімдігінің 09.06.2025 № 113 қаулысымен (алғашқы ресми жарияланған күнінен бастап қолданысқа енгізіледі).

3. Осы қаулының орындалуын бақылау облыс әкімінің бірінші орынбасары Ғ.И. Дүйсембаевқа жүктелсін.

4. Осы қаулы қол қойылған күнінен бастап күшіне енеді және қолданысқа енгізіледі

Облыс әкімі

Б. Измұхамбетов

Облыс әкімдігінің 2013 жылғы

"15" қарашадағы № 399

қаулысына қосымша

"Теңіз-Новороссийск" магистральдық мұнай құбырының желілік бөлігінің 0-130,3 км учаскесін орналастыру және пайдалану үшін қауымдық сервитут белгілеуге арналған жер экспликациясы

№	Жер санатының атауы	Ұзындығы, м	ені, м	алаңы, га
1	"Теңізшевройл" жауапкершілігі шектеулі серіктестігінің өнеркәсіптік жерлері	2223,25	100	22,2325
2	Жылыой ауданының босалқы жерлері, оның ішінде: "Теңізшевройл" жауапкершілігі шектеулі серіктестігіне сервитут құқығымен берілген	118552,47 41412,4	100 100	1185,5247 414,124
3	Ауыл шаруашылығы мақсатындағы жерлер, барлығы: оның ішінде	9666,68	50	48,3333
	1) "Сәрсен" шаруа қожалығы	1916,53	50	9,5826
	2) "Бөпе" шаруа қожалығы	2204,30	50	11,0215
	3) "Уайсова Р.У." шаруа қожалығы	5545,85	50	27,7292
	Жалпы алаңы:			1256,0905

